

sind/ dermassen entschlaffe/ daß sie one Entpfindligkeit liegen bleiben/ vnd von ihme gefressen werden. Welche Hunde so sie vielleicht seinem schatten im Jagen nachfolgen/ vnd befinden/ können sie nit mehr bellen/ vnd vorliehren ihre Stimmie/ vnd welches Thier es dreomal ersicht/ vnd vmbgeheth/ dasselbe mag sich hinfürder nicht mehr regen/ noch bewegen. Es kehret die Gräber vmb/ vnd suchet der begrabenen Körper/ es ist besser das Mänlein zu fahen/ denn dem Weiblein ist listiger betrug angebohren/ daß sie dem Jäger entweichen. Sie haben viel Enderung in den Augen/ vnd verkehren sie wie sie wollen. In ihrem Nuffapffel wird ein Stein gefunden Hyen genannt/ von deme saget man/ daß er die Macht vnd Krafft habe/ vnter welches Menschen Zunge er geleget werde/ daß derselbe weissage/ vnd fünffteige Dinge verkündige.

Das XXX. Capitel.

Vor einem Wilden Schwein sicher zu sein.

S henge einer Krebscheren an den Hals/ sagt Democritus bey dem Constantino lib. 19. cap. 14.

Es haben die wilde Schweine die Art vnd Natur an sich/ wenn sich ihr zwey mit einander hawen/ oder beißen/ vnd kömpt vngesehr ein Wolff darzu/ so werden sie eines/ vnd lauffen einmütig dem Wolffe nach.

Daß dir die Wilden Thiere auch konsten keinen Schaden thun.

Gij

Nim